

პრეზიდენტი ივანე ჯავახიშვილის სახლ-მუზეუმში იმყოფებოდა

15 აპრილი 2016

საქართველოს პრეზიდენტი გიორგი მარგველაშვილი კასპის მუნიციპალიტეტის სოფელ ხოვლეს სტუმრობდა. პრეზიდენტმა ცნობილი ისტორიკოსისა და საზოგადო მოღვაწის ივანე ჯავახიშვილის სახლ-მუზეუმი დაათვალიერა და მისი მოღვაწეობის პერიოდში გადაღებულ ფოტომასალას გაეცნო. ადგილზე მოენყო ფოტოალბომის წარდგინება სახელწოდებით, „სურათები ივანე ჯავახიშვილის საოჯახო ალბომიდან“ – ფოტოალბომი საქართველოს პრეზიდენტის ფონდის ფინანსური მხარდაჭერით თსუ-ს ბიბლიოთეკამ ივანე ჯავახიშვილის დაბადებიდან 140-ე წლის საიუბილეოდ გამოსცა. ქვეყნის პირველ პირთან ერთად ხოვლეს პირველი ლედიც სტუმრობდა. ჯავახიშვილობას თსუ-ს რექტორი ვლადიმერ პაპავა, შიდა ქართლის გუბერნატორის მოვალეობის შემსრულებელი იოსებ ოქრომელიძე და კასპის მუნიციპალიტეტის გამგებელი გოჩა გოჩიტაშვილიც ესწერებოდნენ. მუზეუმში მასპინძლობა ივანე ჯავახიშვილის შვილიშვილმა და მისმა შთამომავლებმა გასწიეს.